



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<22>> մարտի 2019թ.

Ո Ր Ո Շ ՈՒ Մ No. 462 / 14-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանն քննարկելով <<ԱԿԵՆՄԻ>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ԱԿԵՆՄԻ>> ՍՊԸ-ի (ՀՎՀՀ 09411419, հասցե՝ ՀՀ Սյունիքի մարզ ք. Կապան Շահումյան 6-7, պետ. գրանցման համարը՝ 27.020.00867) <07> մարտի 2019 թվականի դրությամբ չկատարված հարկային պարտավորությունը կազմել է 1.236.650 դրամ, որից ապառք՝ 861.140 դրամ, տույժ՝ 375.510 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <11> մարտի 2019 թվականին ընկերության տնօրենը Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և նշվածի վերաբերյալ որևէ բացատրություն չի տվել:

Սույն որոշման մեջ ներառված չեն 2018 թվականի հոկտեմբեր, նոյեմբեր, դեկտեմբեր ամիսների եկամտային հարկի և սոցիալական վճարի հաշվարկներով առաջադրված 50.736 դրամ պարտավորությունները (ապառք՝ 49.284 դրամ, տույժ՝ 1.452 դրամ), որոնց վերաբերյալ առկա է 14.02.2019 թվականի թիվ 3513-14 Ա գանձման որոշումը: Սույն որոշման մեջ ներառված չէ նաև 2019 թվականի հունվար ամսվա եկամտային հարկի և սոցիալական վճարի ամսական հաշվարկով առաջադրված 16.610 դրամ պարտավորությունը (ապառք՝ 16.428 դրամ, տույժ՝ 182 դրամ):

ՀՀ ՊԵԿ իրավաբանական վարչության պետի կողմից 22.11.2016 թվականին կայացվել է թիվ 354/14 որոշումը <<ԱԿԵՆՄԻ>> ՍՊԸ-ից 549.987 դրամ գանձելու մասին, որի մեջ ներառված է եղել շրջանառության հարկ՝ 5.283 դրամ (ապառք՝ 4.287 դրամ, տույժ՝ 996 դրամ), եկամտային հարկ՝ 544.704 դրամ (ապառք՝ 376.777 դրամ, տույժ՝ 167.927 դրամ), իսկ 18.10.2017 թվականին կայացվել է թիվ 2248-14 որոշումը ընկերությունից 303.892 դրամ գանձելու մասին, որի մեջ ներառված է եղել շրջանառության հարկ՝ 1.260 դրամ (տույժ՝ 1.260 դրամ), եկամտային հարկ՝ 302.632 դրամ (ապառք՝ 195.274 դրամ, տույժ՝ 107.358 դրամ):

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **315.425 դրամ**, որից՝

եկամտային հարկի գծով պարտավորությունը կազմում է **315.004 դրամ**, որից ապառք՝ 218.836 դրամ, տույժ՝ 96.168 դրամ, որն առաջացել է 2017 թվականի օգոստոսից-դեկտեմբեր, 2018 թվականի հունվարից-սեպտեմբեր ամիսների եկամտային հարկի և սոցիալական վճարի ամսական հաշվարկից և ՀՀ հարկային օրենսգրքի 401-րդ հոդվածով հաշվարկված տույժերից:

շրջանառության հարկի գծով պարտավորությունը կազմում է **421 դրամ**, որից ապառք՝ 250 դրամ, տույժ՝ 171 դրամ, որն առաջացել է 2017 թվականի 3-րդ եռամսյակի շրջանառության հարկի հաշվարկից, իրավահարաբերության ծագման պահին գործող <<Հարկերի մասին>> ՀՀ օրենքի 23-րդ և ՀՀ հարկային օրենսգրքի 401-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված

հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ԱԿԵՆՄԻ>> ՍՊԸ-ից գանձել **315.425 դրամ** պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ քաժին,

գլխավոր մասնագետ Մ.Մաթևոսյան

հեռ.011-54-91-65